

Broj: 02-33-14/17

Datum: 05.12.2018.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa članom 45. Statuta Javne zdravstvene ustanove Univerzitetski klinički centar Tuzla (prečišćeni tekst), u vezi sa zapisnikom o pregledu i ocjeni ponuda broj: 02-33-12/17 od 03.12.2018.godine, (u daljem tekstu: zapisnik) u otvorenom postupku javne nabavke kitova za izolaciju i pročišćavanje nukleinskih kiselina i kit, pribor i potrošni material za testiranje visokorizičnih HPV iz direktnih uzoraka, objavljenom na portalu javnih nabavki pod brojem: 867-1-1-130-3-105/18 od 03.10.2018.godine i u Sl.glasniku BiH broj: 69/18 od 05.10.2018.godine, na preporuku komisije za javne nabavke, Direktor je donio

## ODLUKU

*o izboru najpovoljnijeg ponuđača*

### I

Prihvata se preporuka komisije za javne nabavke i okvirni sporazum za javnu nabavku kitova za izolaciju i pročišćavanje nukleinskih kiselina i kit, pribor i potrošni materijal za testiranje visokorizičnih HPV iz direktnih uzoraka dodjeljuje se ponuđaču

### “Analitika” doo Sarajevo

za lot 1- kitovi za izolaciju i pročišćavanje nukleinskih kiselina, koji je dostavio ponudu u ukupnom iznosu od **35.680,00 KM** bez PDV-a odnosno, **41.745,60 KM** sa PDV-om.

### II

Prijedlog okvirnog sporazuma dostavit će se na potpis izabranom ponuđaču iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

### III

Ova odluka će se objaviti na web-stranici [www.ukctuzla.ba](http://www.ukctuzla.ba), istovremeno sa upućivanjem ponuđačima koji su učestvovali u postupku javne nabavke u skladu sa članom 71. stav 6. Zakona.

### IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

## Obrazloženje

Postupak javne nabavke kitova za izolaciju i pročišćavanje nukleinskih kiselina i kit, pribor i potrošni material za testiranje visokorizičnih HPV iz direktnih uzoraka pokrenut je Odlukom o pokretanju postupka javne nabavke broj: 02-33-1/17 od 11.01.2017.godine, i izmjenom odluke o pokretanju postupka nabavke broj: 02-33-1-1/17 od 26.07.2018.godine, putem otvorenog postupka objavljenog na portalu javnih nabavki pod brojem: 867-1-1-130-3-105/18 od 03.10.2018.godine i u Sl.glasniku BiH broj: 69 od 05.10.2018.godine. Predmetna nabavka je bila podijeljena u lotove.

U ostavljenom roku ponude je dostavilo ukupno 4 (četiri) ponuđača. Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da ponuđači "Minerva Medica" doo Sarajevo i "Biosistemi" doo Sarajevo nisu ispunili postavljeni uslove iz Tenderske dokumentacije jer nisu dostavili dokaze tehničke i profesionalne sposobnosti zbog čega su isključeni iz daljeg postupka ocjene ponuda. Komisija je u nastavku izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je sačinila rang listu ponuđača kako je navedeno u zapisniku o pregledu i ocjeni ponuda broj: 02-33-12/17 od 03.12.2018.godine, koji se dostavlja u prilogu ove odluke. Shodno zapisniku a prema utvrđenoj rang listi, razlog za izbor ponuđača sadržan je u činjenici da je izabrani ponuđač dostavio prihvatljivu ponudu koja je primjenom člana 64. stav 1) tačka (b) ocijenjena kao najpovoljnija.

Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom.

Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

#### **Pouka o pravnom lijeku:**

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Dostaviti:  
1 x Ponuđačima  
1 x Komisiji za nabavke  
1 x a/a



**DIREKTOR**  
**Prof.dr.med.sci. Nešad Hotić**